

19 IUNIE
RUGACIUNEA 5
SF. IERARH
IOAN MAXIMOVICI
AL SAN FRANCISCO

МОЛИТВА

О святе блаженне Иоанне, великий архиерее, теплый наш заступниче, избранниче Христов и великий чудотворче! Призри убо от славы твоея горния и приими молитвы нас, грешных и недостойных рабов твоих, zde пред образом твоим честным [или святыми мощами твоими] припадающих и тепле умоляющих тя, и принеси я ко Престолу вся содержащаго в руке Своей Бога, Емуже ты добре послужил еси во дни земныя жизни твоея.

О святителю пречудне Иоанне! Мал бе телесне ты и гугнив, яко же и святыи пророк Моисей, но и даров Божиих обилие ты подобно сему прияти сподобился еси. Темже ныне усердно молим тя: молитвою многомощною своею испроси у Господа нам елика благопотребна есть в житии сем временнем и ко спасению вечному нуждая,

грехов наших превеликия пучины потребление, здравие телесное, аще полезно сие суть душам нашим, дух мирен в общении с ближними нашими и послушание Церкви Православней Святей.

Прежде убо, о святителю, ты чад своих духовных извел еси в страны христианския от гонения хинов безбожных, да не истреблено будет стадо Христово. Ныне же смиренно молим тя: Отечеству нашему и народу страждущему избавление испроси от власти безбожных и клевет ея, Церкви Российстей мир и благостояние посреде бурь и треволнений міра сего, и да возставит Господь Престол Православных Царей, иже да будут мужи по сердцу Господню в духе и силе святаго страсотерпца Николая, егоже ты почитати всех людей православных призывал еси.

Умоли Великаго и Всещедрого Господа сил, да истребятся разделения и нестроения в Церкви Божией и народе православнем, яко да возстанем от тины греховныя и противостанем духу безбожия и лъсти.

Испроси нам, о святыи наш заступниче и молитвенниче, многоценный от Господа молитвы дар, егоже ты преизобильно стяжал еси, яко да возможем купно с тобою воспевати Пречестное и Великолепое Имя Всесвятыя

Троицы, Отца и Сына и Святаго Духа, ныне и
присно и во веки веков. Аминь.